



Tollvern: Styrelseleder Anders Nordlund i i Gartnerhallen seier frukt- og grøntnæringa er den sektoren med dårlegast tollvern i norsk jordbruk.

Foto: Vidar Sandnes

Næringsliv

Ber om betre tollvern

Grønsaksprodusentane og industrien vil ha sterkare tollvern. Landbruks-

minister Jon Georg Dale seier nei.

– Tollvernet er ikkje gratis, seier han.

– Predag opnar Gartnerkongressen i Tønsberg. Eitt av spørsmåla på kongressen vil vera rammevilkår og konkurransetilhøve for grøntnæringa i framtida, og serleg importvernet. Arsaka er at tollvernet har stått stille sidan 1997.

– Tollsatsane er, med få unntak, ikkje endra sidan 1997, seier administrerende direktør Jørn-Gunnar Jacobsen i Findus Norge.

– **Ikkje godt nok vern**

Findus er eit av industriselskapa som brukar norske råvarer i produksjonen av frose grønnsaker og ferdigrettar. Omsetninga av norske grønnsaker frå Findus er rundt 400 millionar kroner.

– Det er stor konkurranse frå import, det merkar me i kvar einaste anbodskonkurranse me er i. Fleire grønnskulturar blir teke inn internasjonalt, og kon-

kurranse blir tøffare og tøffare. Dagens tollvern er ikkje godt nok, seier Jacobsen.

– Skal me klare å oppretthalde produksjon i Noreg over tid, treng me betre vern. Elles kan me koma i den situasjonen at me må importere råvarane, seier han.

Norsk jordbruk bidreg til 40.000 industriarbeidsplassar. 1500 av desse er knytt til konserv- og potetindustrien.

– Det er ikkje sjølvstøtt at me

har produksjon og heile verdikjeda i Noreg. Me er den mest konkurranseutsatte næringa, som har dårlegast tollvern av alle sektorar. Me hentar vel 90 prosent av inntektene frå marknaden. Utan norsk råvarerproduksjon står industriverksemda også i fare. Her er det eit gjensidig avhengighetsforhold, seier styrelseleder Anders Nordlund i Gartnerhallen.

– **Eit tredel til industri**

36 prosent av råvarane frå Gartnerhallen sin produksjon går til industrien og selskap som Findus, Bama Industri, Norrek og Smaken av Grimstad.

– Industrien er veldig viktig for oss. Det er grunnlaget for

– **Press frå EU**

«Om me legg oss på eit høgare tollnivå kjem me til å bli møtt med krav om større tollfrie kvotar.»



Jon Georg Dale (FrP) Landbruks- og matminister

produksjonen til mange av produsentane våre. A ha ein foredlingsindustri å kunne levere til er avgjerande for grøntnæringa, Nordlund.

Hans melding til Landbruksminister Jon Georg Dale (FrP) og resten av regjeringa er at tollvernet for foredla produkt og råvarer ikkje kan svekkjast om ein skal klare å oppretthalde ei komplett, norsk verdikjede i grøntsektoren.

– Tollvernet forvitrar gradvis, og konkurranse frå import blir stadig tøffare. Fleksibiliteten i tollvernet må brukast, både når det gjeld kronetoll og prosenttoll, seier Nordlund.

– **Nei frå Dale**

Dale avviser at det er aktuelt å gjera noko med tollsatsane på frukt og grønt.

– Tollvernet er viktig for norsk landbruk. Men å byggje opp tollbarrierane er feil veg å gå for Noreg. Over tid har Noreg teke ut potensialer i styrken i tollvernet. Me lurar oss sjølve om svaret er ytterlegare styrking av tollvernet, seier han.

Dale seier Noreg møter «mass-

– **Fakta**

– **Gartnerhallen SA**

• Den største produsentorganisasjonen for dyrkar frukt, bær, grønnsaker og potet.

• Eigd av 1150 frukt- og grøntprodusentar. Omsette for 2,2 milliardar i fjor.

• Gartnerhallen samarbeider med dei store marknadsaktørane i grøntnæringa i Noreg.

• Gartnerkongressen blir arrangert anna kvart år.

KJELDE: GARTNERHALLEN

– **sivt press» frå EU om å redusere tollvernet.**

– Om me legg oss på eit høgare tollnivå kjem me til å bli møtt med krav om større tollfrie kvotar. Det tollnivået me har i Noreg i dag er ikkje gratis. Me betalar for høgt tollsatsnivå med tollfrie importkvotar, seier Dale.

– **Hilde Lysengen Håvro**

hilde.havro@nationen.no